

## FORU AGINDUA

Kirol Zerbitzua  
Esp. zk.: D/18-117

**Aldez aurreko onespena ematea Euskara, Kultura eta Kirol Saileko foru diputatuaren Foru Agindu proiektu honi: Foru Agindua, xedatzen duena zer baldintza bete behar dituzten uztailaren 10eko 34/2018 Foru Dekretuan aipatzen diren kirol jarduerak 2018rako mezenasgorako lehentasunezko zatia jo daitezkeen.**

16/2004 Foru Arauak (uztailaren 12koa, irabazteko xederik gabeko entitateen zerga araubideari eta mezenasgorako zerga pizgarriari buruzkoa) ezartzen du sektore pribatuak lehentasunezko mezenasgo jarduerak edo programak finantzatzeko parte hartzeko araudi esparrua.

Hala, bada, 16/2004 Foru Arau horren 29. artikulua lehenengo apartatuak ezarritakoa betez, Foru Gobernu Kontseiluaren uztailaren 10eko 34/2018 Foru Dekretuak (ALHAOren 83. zenbakia, 2018ko uztailaren 18koa) xedatu zuen zeintzuk izango ziren lehentasunezko mezenasgo jarduerak 2018rako.

Horien artean dira 3. artikuluan zehazten dituen kirol jarduerak, betiere, arau horrek ezarritako betebeharrak ez ezik, "Arabako Foru Aldundiaren Euskara, Kultura eta Kirol Sailak ezarritako baldintzak" ere betetzen badituzte. Beraz, nahitaez ezarri behar dira 3. artikuluan aipatzen dituen baldintzak 2018rako.

Abenduaren 18ko 52/1992 Foru Arauaren 40.11 artikulua ezarritakoaren konforme (52/1992 Foru Araua, abenduaren 18koa, Arabako Foru Aldundiaren antolaketa, funtzionamendu eta araubide juridikoari buruzkoa), Sail horretako foru diputatuari dagokio sailak bereak dituen gaien gaineko erregelamendugintza ahala baliatzeko eskumena.

Euskara, Kultura eta Kirol Saileko foru diputatuaren uztailaren 27ko 250/2018 Foru Aginduaren bidez xedatu zen has zedila prozedura Euskara, Kultura eta Kirol Saileko foru diputatuaren Foru Aginduaren proiektua egiteko, Euskara, Kultura eta Kirol Sailaren uztailaren 10eko 34/2018 Foru Dekretuan aipatzen diren kirol jarduerak 2018rako mezenasgorako lehentasunezko zatia jotzeko bete behar dituzten baldintzak xedatzen dituen Foru Aginduaren proiektua, alegia.

Foru Gobernu Kontseiluaren maiatzaren 23ko 29/2017 Foru Dekretuak, zeinak izaera orokorreko xedapenak egiteko prozedura onesten baitu, I. eranskinen 12. artikuluan arautzen duenez, "testu arauemaileen proposamenak idatzi ondoren, prozedura hasteko ebazpena eman duen organoaren aurretiazko onespena jaso beharko dute proposamenok, bidezkoak diren negoziazio, entzunaldi eta kontsulta izapideei ekin baino lehen."

Horregatik, eta dagozkidan ahalmenak erabiliz, hau

### XEDATZEN DUT

Lehena.- Onestea Euskara, Kultura eta Kirol Saileko foru diputatuaren Foru Aginduaren proiektu hau: Foru Agindua, xedatzen duena zer baldintza bete behar dituzten uztailaren 10eko 34/2018 Foru Dekretuak zehazten dituen kirol jarduerak 2018rako mezenasgorako lehentasunezko zatia jotzeko; Foru Aginduaren proiektua Foru Agindu honen eranskinen dator.

Bigarrena.- Euskara, Kultura eta Kirol Saileko Kirol Zerbitzuak aurrera egin dezala, Euskara, Kultura eta Kirol Zuzendaritzak galdeginik, Euskara, Kultura eta Kirol Saileko foru diputatuaren Foru Agindu hau egiteko prozeduraren instrukzioaren izapideetan: Foru Agindua, xedatzen duena zer baldintza bete behar dituzten uztailaren 10eko 34/2018 Foru Dekretuan aipatzen diren kirol jarduerak 2018rako mezenasgorako lehentasunezko zatia jo daitezkeen.

## ERANSKINA

**Zer baldintza bete behar dituen Foru Gobernu Kontseiluaren uztailaren 10eko 34/2018 Foru Dekretuaren 3. artikuluan zehazten diren kirol jarduerak, 2018ko ekitaldian lehentasunezko mezenasgo jardueratzat har daitezzen.**

### **1. artikulua. Xedea.**

Erregulazio honen helburua da xedatzea zein baldintza bete behar duten Foru Gobernu Kontseiluaren uztailaren 10eko 34/2018 Foru Dekretuaren 3. artikuluan zehazten diren kirol jarduerak, 2018ko ekitaldian lehentasunezko mezenasgo jardueratzat har daitezzen.

### **2. artikulua. Jarduera mota bakoitzerako baldintza espezifikoak.**

1. Arabako Lurralde Historikoko kirol klubetako emakumezkoen talde edo atalen jarduerak.

Lehentasunezkotzat jo ahal izango dira Arabako Lurralde Historikoko kirol klubetako emakumezkoen talde edo atalen lehiazko jarduerak, baldin eta lurralde, autonomia, estatu edo nazioarte eremuko lehiaketa ofizialetan parte hartzen badute.

2. Bestelako kirol jarduerak.

Aurreko atalean adierazitakoez gain, lehentasunezkotzat joko dira honako baldintza hauetakoren bat biltzen duten kirol jarduerak, kirol lehiaketak barne:

a) Emakumezkoena izatea.

Kirol jarduerak emakumezkoenak direla ulertuko da, emakumeek baino ezin dutenean parte hartu edo gehienbat emakumeek parte hartzen dutenean.

b) Emakumeen parte hartzea bultzatzea.

Kirol jarduerak emakumezkoen parte hartzea bultzatzen dutela ulertuko da, euren deialdietan eta publizitatean dei berezia eta adierazgarria egiten bada emakumezkoek parte har dezaten.

Horrelakoetan, gainera, eskatuko da dena delako jarduerak genero estereotipoak apurtzera bultzatzea edo emakumeak ikustaraztea eta horiek gizartean aintzatetsiak izatea sustatzea. Baldintza hori betetzen dela ulertuko da jarduera horiek gizonezkoen parte hartzeakin lotuta egon izan diren eremuetan emakumeen parte hartzea bultzatzen badute.

Dena dela, aurreko atalak aipatzen dituen jarduerak Arabako Lurralde Historikoan egingo dira eta lurraldean eragin esanguratsua izango dute.

### **3. artikulua. Baldintza orokorrak.**

Pertsona fisiko edo juridikoek 2018ko ekitaldian euren jarduerak lehentasunezkotzat jotzeko interesa badute, 2018ko abenduaren 1a baino lehen egin beharko dute eskaera Euskara, Kultura eta Kirol Sailean.

Eskaerarekin batera lehentasunezkotzat jotzea nahi den jardueraren proiektua aurkeztuko da. Proiektuan dena delako kirol klub edo jardueraren diru sarreraren eta gastuen aurreikuspena jasoko da. Lehentasunezko jarduera kirol klub bateko emakumezkoen atalerako eskatzen denean, diru sarreraren eta gastuen aurreikuspenak bereizirik adieraziko ditu klubari dagokion aurreikuspenak eta kasuan kasuko emakumezkoen atalarenak direnak.

#### **4. artikulua. Ebazpena**

Eskatutako baldintzak betetzen badira, Euskara, Kultura eta Kirol diputatuak egingo du jarduera lehentasunezkoztat jotzeko adierazpena.

Ebatzi baino lehen, txostena eskatuko dio Arabako Foru Aldundiko Ogasun, Finantza eta Aurrekontu Sailari, eta, horretarako, espedientea bidaliko dio.